



Vuk'uzenzele

INEZITHUBA
ZEMISEBENZI

YEYASIMAHLA

Iziswa yiNkonzo yezoNxibelelwano neNkqubo yoLwazi kaRhulumente (GCIS)

isiXhosa/English

EyoMsintsi 2015

 <p>Mazi uCeba wakho</p> <p><i>Iphapha 10</i></p>	 <p>I-ofisi yeGqwetha leeNtsapho ibeka abantwana phambili</p> <p><i>Iphapha 14</i></p>	 <p>I-Afrika ingayitshantsheli yobuchule bokuyilla</p> <p><i>Iphapha 15</i></p>
---	---	---

Isikolo esitsha ePhola, eseMpumalanga



Isikolo sale mihla iMakause Combined School esinokuthatha abafundi abanokufika kwabali-1 200 sisePhola, eMpumalanga.

Noluthando Mkhize

Isikolo, iMakause Combined School, esisePhola eMpumalanga sizise ithemba kuluntu ngokuqinisekisa ukuba abantwana baza kufumana imfundo.

Esi sikolo sinobuxhaka-xhaka bale mihla esixabisa izigidi zeerandi ezingama-74 sakwazi ukwakhiwa ngenxa yesivumelwano sentsebenziswano phakathi kweSebe leMfundo esisiSeko kunye nenkampani yemi-fundo, iGlencore.

Ukwakhiwa kwesi sikolo bekuyinxalenye yomsebenzi omkhulu wokufuduswa kwabantu kwilali yaseTweefontein basiwa ePhola yinkampani yakwaGlencore ngenxalenye yePhulo lokuPhuhlisa iTweefontein.

Le projekthi isisiphumo sephulo lokutyala imali ezibhiliyoni zeerandi ezisi-8 ngabakwaGlencore, elinabasebenzi abasisigxina abangama-780, elivelisa iitoni ezizigidi ezisibhozo ngonyaka zamalahle aza kuthengiswa. Ngethuba kusakhiwa, le projekthi yadala imisebenzi engaphezulu kuma-2 600 kunye namanye amathuba aliqela oosomashishini bale ngingqi ngokuthi kuthe ngwe izixhobo zokusebenza neenkonzo kumashishini akule ngingqi.

Le projekthi iquka nephulo lolwakiwo lwezindlu, eligqityezelwe ngenye imali ezizigidi zeerandi ezingama-70, eziza kuhlala iintsapho ebezifudisiwe ezili-120.

UKUBUYISELA ITHEMBA

Esi sikolo, esakhiwe kanye phakathi kwezindlu ezintsha ezakhiwayo, silungiselwe abantwana abakumabanga ezikolompeleso, abakumabanga aphantsi nabakumabanga aphezulu. Sinamagumbi okufundela angama-32, ilebhu yezenzululwazi, izifundo zemisetyenzana yasendlwini, amaziko okufundisa ngokuchwela nangesinyithi, ithala leencwadi, iziko lekhompyutha kunye neholo elinokungena abantwana abali-1 200.

U-Amos Shali Mahlangu uyinqununu kwesi sikolo ngoku iminyaka engama-32 kwaye usibukele sitshintsha ngokuhamba kweminyaka apha phambi kwamehl akhe.

Phambi kokuba sifuduswe, sasiseTweefontein, eyindawo eneefama nenemigodi. Oku kwakuthetha ukuba abantwana kwakufuneka bahambe umgama ongaphezulu kwikhilomitha ezingama-40 xa besiya esikolweni, besebenzisa izithuthi ezikhutshwe liSebe leMfundo esiSiseko.

Ukusukela oko kwakhiwa esi sikolo kunye nezi zindlu zintsha ungaphantsi nakwikhi-

lomitha umgama abawuhambayo xa besiya esikolweni abantwana ngoku.

“Enye yezona ngxaki zaziphambili kwesi sikolo sidala yayikungezi esikolweni kwabantwana kwaye nabazali babengazhambi iintlanganiswano zesikolo ngenxa yokuba sasikude. Ukusukela oko safudukayo, liye liphukunguka inani labantwana abangeziyo esikolweni kwaye nabazali abaninzi bayeza ngoku ezintlanganisweni.

UPhillip Maimela, ongusihlalo wequmrhu lolawulo lwesiSeko, unabantwana ababini abafunda kwesi sikolo. Uthi uyavuya sesi sikolo sitsha kwaye abantwana bakhe baza kufumana imfundo esemgangathweni.

UMphathiswa weMfundo esiSiseko, u-Angie Motshekga, obezimase itheko lokuvulwa kwesi sikolo, wathi siza kudlala indima enkulu ekutshintsheni ubomi baba bafundi.

“Ukugalela imali engaka kwezemfundo kubonisa ukuba inkampani yakwaGlencore izimisele kwikamva leli lizwe. Kuxa sisebenza ngokubambisa singurhulumente, amashishini, imibutho yoluntu kunye nabantu ngokubanzi apho sinokuzidudula sizoyise iinzima eziza nokungalingani.

Ukuze abantwana bakwazi ukugqwesa, kufuneka babe kwindawo efanelekileyo neyi-

Imisebenzi, izindlu kunye ne-mpilo kwiidolophana ezimelene nemigodi

Urhulumente ubekele bucala iibhiliyoni zeerandi ezili-18 ukulungiselela ukuphu-cula iimeko abaphila phantsi kwazo abantu abakwimimandla ekufutshane nemigodi kulo lonke eli lizwe.

Le projekthi ikhokelwa yiKomiti yabaPhathiswa (i-IMC) ejongene nokuhlaziya imimandla ekufutshane neendawo ezinemigodi, iquka amaphulo okwakhiwa kwezindlu naweenkonzo zempilo.

Imali ezibhiliyoni zeerandi ezili-18 ibekelwe ukusebenza kula maphulo aqhubekekayo kwiindawo ezithwaxwa yintsokolo ezimelene nemimandla ene-migodi, kwaye amaphondo aza kuxhamla ngala: iMpuma Koloni, iFreyistatha, iGauteng, KwaZulu-Natal, iLimpopo, iMpumalanga kunye noMntla Ntshona,” utshilo uMongameli Jacob Zuma kutsha nje.

UMongameli wabhengeza ukuba iSebe lezokuHlalisa koLuntu, lixhaswa zi-arhente zalo, liqalisile ngamaphulo karhulumente amalunga nama-66 okwakha izindlu kwiidolophana ezili-15 ezikufutshane neendawo ezinemigodi ekuthiwe kuza kuqalwa ngazo.

Ngonyaka-mali wama-2014/15, imali engaphezulu kwizigidi zeerandi ezingama-419 kule mali ibibekelwe bucala sele isetyenzisiwe ukuphuhlisa iindawo ezingamatyotyombe ebezikhethiwe kwimimandla enemigodi eLimpopo, Freyistatha, Gauteng, Mpumalanga kunye naseMntla Ntshona.

Imali emalunga neebhiliyoni yeerandi ibekelwe bucala kulo nyaka-mali. Ngale mali kulindleleke ukuba kwakhiwe izindlu ezimalunga nama-19 000 kwezi dolophana zimelene nemigodi.

Ukongeza kule ngxowa-mali isisibonelelo sezokuhlaliswa koluntu ibekelwe bucala ilungiselela imimandla esokolayo emelene nemigodi, i-arhente zezezindlu zeSebe lezokuHlalisa koLuntu zincediswe ngemali eyibhiliyoni yeerandi kwinkqubo ehlanganisiweyo yokuhlaliswa kwabantu kwiidolophana ezimelene nemigodi.

UMongameli uZuma uthe amasebe karhulumente amaninzi aqhuba amaphulo oshishino amakhulu namancinci kwiidolophana ezili-15 ezimelene nemigodi.

Uthe oku kubaluleke ngokumandla ekudaleni ama-thuba omsebenzi nawokushishina.

nkuthazo, ngolo hlobo esi sikolo silikhaka lethemba laye wonke umntu,” utshilo uMphathiswa uMotshekga.

Uthe uqinisekile ukuba esi sikolo siza kukhupha iinkcubachopho ezifunekayo

> Liqhubeka kwiphapha lesi-2

EMINYE IMIBA GABALALA

UMongameli ubambe iingxoxo nabafundi



UMongameli Jacob Zuma uthetha nabafundi baseTshwane University of Technology.

Maselaelo Seshotli

UMongameli Jacob Zuma uzibonele ngawakhe amehlo iimeko abafundi abaphila phantsi kwazo ngethuba ebetyelele eTshwane University of Technology, esemantla ePitoli, kwezi ntsukwana zidlulileyo.

Olu tyelelo beluyinxalenye yenkqubo kaMongameli iSiyahlola kunye noluhlu lweenkqubo zakhe zeNyanga yoLutsha, ebixinise kwimifundo, uphuhliso lwezakhono kunye nokudala imisebenzi.

“Sifumene izikhalazo ezivela kubafundi ngeemeko engentlanga kwiindawo zokulala nezindlu zangasese kwindawo yokuhlala yabesityhini okanye emzana. Sifumane kwanezikhalazo ngeendawo zentselo ezithengisa utywala ngakumasingo la esikolo, yiyo loo nto ke siye sabona kubalulekile kuthi ukuba size kuzibonela

ngokwethu okwenzekayo apha,” utshilo uMongameli Zuma.

Uye wadibana nabafundi waze wajikeleza ebona kwindawo ehlala abangamadoda kunye nale ihlala abesityhini. Abafundi bamxelele ngokungonwatyiswa kwabo ziimeko abahlala phantsi kunye nokungakhuseleki ngokwaneleyo.

Abafundi bamxelele nangengxaki yokungabi namali yokubhatala isikolo, ingxaki abantu abatsha abaninzi kweli lizwe abajongene nayo.

“Siyavuya kuba abantu abatsha kweli lizwe banxanelwe imfundo ngolu hlobo kwaye thina njengorhulumente siza kuzama ukuzilungisa ezi ngxaki,” utshilo uMongameli Zuma.

ULindokuhle Manne (oneminyaka eli-18), umfundi owenza unyaka wokuqala kwi-zifundo ze-Business Communication uthe yena eyona imxhalisa kakhulu luncedo ngemali yokufunda.

“Ayingabo bonke abafundi abaxhamlayo

kwiSikimu seSizwe sokuNcedisa abafundi ngeMali yokuFunda (i-NSFAS). Oku kuyingxaki enkulu kakhulu kuthi,” utshilo uManne.

IBETHESDA FOUNTAIN CHURCH

UMongameli uphinde wandwendwela iBethesda Fountain Church, esele iyindawo abagobe kuyo ityholo abafundi abangafumananga ndawo yokuhlala ngaphakathi esikolweni.

Le cawe ihlalisa abafundi abangama-70. Omnye waba bafundi yidyongwana eminyaka ingama-20, uNkosingiphile Sibeko.

“Abantu beli bandla lale cawe ngabantu abanobuntu kwaye basenzela ububelele kakhulu,” utshilo uSibeko.

UKUXHOTYISWA KOLUTSHA

UMongameli uqoshelise uhambo lwakhe ngokuya eBotho Socio-Psychology Centre,

iziko lokuxhobisa abantu abatsha ngezakhono, eliphantsi kwedyunivesiti le.

Eli ziko yiminyaka linceda abantu abatsha bale ngingqi ngokubaxhobisa ngezakhono ezithile ukuze bakwazi ukutshintsha ubomi babo ngokubasusa ezitalatweni babanika amathuba okuphucula ubomi babo,” utshilo uMphathi weZiko uStevens Lodi.

Eli ziko, lifundisa izifundo ezahlukeneyo, lixhaswa ngemali liSebe loPhuhliso loLuntu kwaye linceda ngezi nkonzo zalo abantu abatsha abaneminyaka ephakathi kweli-18 nama-35.

UComfort Mnisi wangena kweli ziko ekuqaleni kwalo nyaka kwaye sele eziphumelele izifundo ezingophuhliso lwezakhono zentlalo zobomi kwaye ngoku wenza izifundo zoqeqesho kwizakhono zekhompyutha.

“Phambi kokuba ndize apha eBotho ndandingenanto yokwenza. Ngoku ndinamaphupha yaye ngezi zakhono ndizifunde apha ndiza kukwazi ukuya phambili ngobomi bam,” utshilo uMnisi.

UKUNGENELELA KUKARHULUMENTE

Amasebe kunye namaziko karhulumente awalali azama ukungenelela kwezi zikhalazo zabafundi ngeendlela ezahlukeneyo. Ezi ziquka oku:


> ISebe lezabaSebenzi liqulunqe uluhlu oluneenkukacha oluza kubhalisa abantu abatsha abangasebenziyo ngokubafaka emisebenzini lisebenzisa abaSebenzi beNkonzo zemiSebenzi kule ngingqi.

> AbeNkonzo zobuPolisa zaseMzantsi Afrika baqalisa nge-nkqubo yokufundisa abafundi abali-15 umsebenzi.

UMongameli Zuma uye wacela uluntu ukuba lubonelele abafundi ngeendawo zokuhlala, esithi uninzi lwabo luyafuna ukulawula imali yerente xa befumana indawo efanelekileyo.

Olu tyelelo lube yimpumelelo ngenene kuba amanyathelo angundoqo okungenelela aye aziswa futhi kwabonakala nenkqubela.

Ukwakha izindlu kulungi-selelwa ikamva eliqaqamba-mbileyo



UMphathiswa uFaith Muthambi uncedisa ekwakhweni kwenye yezindlu ebezithembise iintsapho ezintlanu.

Thandeka Ngobese

Ngethuba uMphathiswa wezoNxibelelwano uFaith Muthambi etyelele eWillow Fountain ePietermaritzburg, KwaZulu-Natal ngethuba leeMbizo zikaMongameli ngeyoMsintsi kulo nyaka uphelileyo, waziva echukumisekile zimeko ababeyamelane nazo abantu bale ngingqi.

Waye wathembisa ukuba uza kuphosa igade ukuncedisa ekuphuculeni ubomi babo.

Masibaleke ke ngoku size kowama-2015, uMphathiswa uMuthambi akasaphulanga isithembiso sakhe.

Ngethuba leeMbizo zikaMongameli uMphathiswa uMuthambi wakhutshwa ukuba aqhube iphulo lohanjiso lweenkonzo lokungena umzi nomzi kulo mmandla.

Wathi akubona iimeko ezilusizi abantu balo mmandla abaphila phantsi kwazo, uMphathiswa wathathela phantsi kwephiko lwakhe uWadi 14 waze wakhetha iintsapho ezisixhenxe ezazifuna ukwakhelwa izindlu. Uninzi lwezi ntsapho zazihlala kwizindlu zodaka ezincinci nezigcweleleyo.

“Ndiyavuya ukuba umasipala ezibophelele ukuba uza kwakhela iintsapho ezintlanu izindlu. Ndiye ndakwazi ukufuma iinkxaso ngezimali zokwakhela ezinye ezi iintsapho zimbini. Abakhi baye bandithembisa ukuba zonke ezi zindlu, ziza kuba namagumbi amathandathu, ziza kugqitywa kwisithuba seeveki ezimbini. Umasipala naye uza kuncedisa ngeenkonzo ezifana nombane, amanzi kunye nefenitshala eza kungena kwezi zindlu,” utshilo uMphathiswa.

Lo msebenzi wokwakha ezi zindlu udale amathuba omsebenzi ali-10.

Omnye owakhelwe indlu uMlandelo Madondo, oneminyaka engama-53, uthe bebelhala belithoba kwindlu yodaka enamagumbi amathathu.

“Akukho ndawo yokuba ungazivalela wenze izinto zakho kwaye besiphila ngokumane sibamba izingxungxo. Siyavuya ukuba urhulumente usenze abantu wasakhela le ndlu. Andinamazwi oneleyo okubulela uMphathiswa uMuthambi,” utshilo uMadondo.

Omnye nawe owakhelwe indlu, uSanele Mathe, oneminyaka eli-19, uthi akakwazi ukuzibamba luvuyo ukuba le ndlu intsha ide igqitywe.

“Singabantu abali-15 abahlala kwindlu

enamagumbi amabini, kwaye kunzima nokuba umntu abe neendawo yokuzikhusa enze izinto zakhe. Andisakwazi nokuzibamba luchulumanco. Siswele amazwi ombulelo ngale ndlu iyindlu yokwenene,” utshilo.

Ukutshintsha ubomi

Uluntu lwale ngingqi ngoku akusafuneki luhambe imigama emide ukuze bafumane iindawo eneintanethi kuba ikhona kwalapha kufutshane, oku kwenzeka ngenxa yemisebenzi yeSebe lezoNxibelelwano (i-DoC).

Ethetha kumsitho wokuvulwa kweli ziko, uMphathiswa uMuthambi uthe wathi akuba etyelele le ndawo, wabona ukuba uninzi lwabantu abatsha abayi esikolweni babeyabula ezitalatweni ngexesha lesikolo.

Eli ziko litsha lineekhompyutha lilungiselelwe ukutshintsha indlela abalichitha ngayo ixesha abantu ingakumbi ulutsha, libatshintshe babe ngabantu abenenkqubela ekuhlaleni.

I-DoC isebenzisana nabakwaVodacom, balivula ngokusesikweni eli ziko leekhompyutha ezingama-21 ezinobuxhaka-xhaka be-intanethi obuhamba ngesantya esiphazulu kakhulu obuza kunceda abantu abatsha kulo mmandla uzilali ukuba nabo bakwazi ukunxibelelana nehlabathi liphela.

UMphathiswa uMuthambi uthe ezi khompyutha zinobuxhaka-xhaka bale mihla ziza kufundisa abantu izakhono zokusebenzisa ikhompyutha eziza kubanceda xa befuna imisebenzi.

“Eli ziko liza kudalela abantu abatsha amathuba emisebenzi angama-20 abaza kusebenza njengabaqeqeshi kweli ziko. Ababini kwaba sele beqeqeshwa ngabakwaVodacom ukuze bakwazi ukuza kuqeqesha abanye. Ngethuba uMongameli

[**el sikolo esitsha ePhola, eseMpumalanga**] > **Liqhubeka lisuka kwiphepha loku-1**

ukuze zenze uMzantsi Afrika untingele emajuku-jukwini zikhwezele nophuhliso loqoqosho.

UMLawuli wesiGqeba soLawulo (i-CEO) wakwaGlencore SA Coal, uClinton Ephron, uthi: “Siyazingca ngokunikezela esi sikolo kwiSebe leMfundo esiSiseko. IsiKolo saseMakause singumzekelo obonisa ukuba siwukhathalele uMzantsi Afrika kunye noluntu lweendawo esisebenza kuzo.”

“Imfundo esemgangathweni isisiseko esingqingqwa sokunika abantwana amathuba wokuba baye kunqandwa zinkwenkwezi,” wongeze watsho.

Jacob Zuma esenza iNtetho engoBume beSizwe wathi izivumelwano zentsebenziswano phakathi kwamashishini abucala kunye norhulumente zibaluleke kakhulu kumaphulo okuhanjiswa kweenkonzo, silapha namhlanje njengomzekelo wokwene wamazwi kaMongameli,” watsho uMphathiswa uMuthambi.

UViveSoga, ongumcebisi wakwaVodacom ngooRhulumente bamaPhondo nabaseKhaya, wathi abakwaVodacom bafaka i-Wi-Fi kweli ziko kwaye baza kufaka i-data eyi-2GB rhoqo ngenyanga kwezinyanga zili-12 zizayo.

“Oku kuvuyisa kakhulu kuthi kuba kubonakalisa indlela esizimisele ngayo yokuqinisekisa ukuba abakwaVodacom benza ukuba wonke ubani akwazi ukufikelela kwi-intanethi,” utshilo uSoga.

UMphathiswa uMuthambi uye wapha abantwana abasixhenxe abasuka kumakhaya anga-thathi ntweni iimpahla zokunxiba zesikolo. Uye wacebisa noluntu ukuba luzigade ezi zixhobo luzinikweyo.

